



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 33. Petri I. Magni Moscoviæ Ducis studium a Russorum religione
superstitiones eliminandi.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII. suæ causæ diffusus, aut suæ securitati
 A. C. 1721. consultius fore ratus, die trigesima pri-
 ma ejusdem Mensis clam Roma ad
 Montem Cassinensem secessit.

§. XXXIII.

*Petri I. Moscoviæ Ducis studium
 Russorum religione superstitiones
 eliminandi.*

Vid. supra Quam propensum erga religionem Ca-
t. 67. l. 214. tholicam animum Petrus I. Mo-
§. 17. p. 599. scoviæ Dux monstravit, abunde testa-
Et t. 69. tum reddidit concessa PP. Capucinis
§. 40. p. 635. ac Jesuitis Conventum, Ecclesiam &
Vit. Clem. XI Gymnasium erigendi necnon liberum
in Concl. Religionis Catholicæ exercitium intro-
pag. 118. ducendi facultas: Ad tantam benigni-
 tatem non parum conferre videbatur
 supremus ejus Administer ac Cancellarius
 Knees Fedor (seu Theodorus) Comes de
 Galoskin seu Golowin, quem de re Christiana
 optime meritum ejus que posteros ipsemet
 Imperator Leopoldus in numerum S. R. J. Comitum
 recepit, ac in Cæsareo diplomate honorificis
 hisce verbis commendavit:
 „Edocti fide dignissimis testimoniis
 „ . . . Theodorum uti avitæ virtutis,
 „ ita & dignitatis, possessionumque &
 „ privilegiorum in Moscovia hæredem,
 „ in id sedulo incubuisse, ut Majorum
 „ suo

„suorum erga patriam, suosque Prin- Sæc. XVIII,
 „pes merita non solum adæquaret, sed A. C. 1721.
 „& superaret, quemadmodum pro
 „suo cum publicæ, tum rei etiam Chri-
 „stianæ promovendæ zelo re ipsa præ-
 „stitit, atque ad amplectendum contra
 „sanctæ Cruis hostes sacrum fædus,
 „eosdemque una cum fæderatis ad
 „subsecutam usque pacem strenue op-
 „pugnandos prædicto Domino Zsari
 „non solum auctor fuit, sed & insuper
 „in obita magna legatione singulare
 „erga Nos, sacrum Romanum Imperium
 „Augustamque domum nostram devo-
 „tionis, & observantiæ studium lucu-
 „lenter probando, quam in patria Sago
 „& toga sibi comparavit, præclaram
 „Nominis & existimationis famam
 „etiam extra eandem illustriorem red-
 „didit. Nos sane non uno argumento
 „persuasi, Viri hujus avitum domesticum
 „Decus novo splendore ad posteritatem
 „suam transmittendum augeamus, ab
 „ipso in posterum quoque nihil non
 „magnum pro Christiana Republica,
 „nostra Cæsarea Majestate, sacroque
 „Romano Imperio & Augusta domo
 „nostra agendum audendumque a sua
 „fide, integritate, agendique dexteri-
 „tate expectari posse: facere non po-
 „tuimus, quin eundem aliquo munifi-
 „centiæ Nostræ Cæsareæ Monumento
 „quod

Sæc. XVIII „quod ipsi non minus gloriæ, quam
A. C. 1721. „aliis exteris, & cum primis posteris
 „tati suæ ad capeffenda paria virtutis
 „& laudis conamina incitamento futu-
 „rum fit, condecorandum & in numerum
 „S. R. J. Comitum recipiendum sulci-
 „peremus. „

Majore adhuc jure in nostra Histo-
 ria locum sibi vindicat ipsummet præ-
 fati Ducis diploma, utpote præclarum
 religiosi Principis monumentum, quo
 idem Patribus Capuccinis in præcipua
 Urbe Moscua Conventum & Ecclesiam
 erigendi gratiam fecit. Erat autem
 illius tenor sequens:

In Nomine Domini. Amen.

„Nos PETRUS Divina favente gratia
 „totius Magnæ, Parvæ & Albæ Ruffiæ
 „Imperator &c. Sibirix & Astrachani
 „Rex, Magnus Dux Moscoviæ &c. &
 „aliarum Orientalium, Occidentalium &
 „Septentrionalium Regionum atque Pro-
 „vinciarum antiquus hæres Dominus
 „& Monarchia &c. universis & singulis
 „quorum interest vel intererit aut quo-
 „modolibet in futurum interesse pote-
 „rit, præfente diplomate nostro notum
 „testatumque facimus perpetuo & in
 „ævum. Quomodo Nos supremum
 „Numen rebus nostris ac Dominiorum
 „nostrorum propitium reddere volentes,
 „ineffia.

„ineffabilemque Dei bonitatem, quæ Sæc. XVIII.
 „Nos tot gentibus, populis ac Natio- A. C. 1721.
 „nibus dignatione sua præfecit, conser-
 „vat & protegit, profundiori medita-
 „tione nostro volventes ac revolventes
 „in animo, cum in propugnationem
 „jurium ac libertatum Serenissimæ Rei-
 „publicæ Polonæ annexarumque Regno
 „Provinciarum, pacto Nos inter Regem,
 „Regnumque Poloniæ non ita pridem
 „pacis æternæ sædere in suppetias Sere-
 „nissimo ac potentissimo Principi ac Do-
 „mino Augusto II. Regi Poloniæ magno
 „Duci Lithuanæ, Russiæ, Prussiæ, Ma-
 „soviæ; Samogitiæ, Volhinæ, Podo-
 „liæ, Podlachiæ &c. Hæreditario Duci
 „Saxonæ, & Principi Electori, Fratri
 „Nostro Charissimo contra Carolum XII.
 „Regem Suecorum inclyti Regni Po-
 „loniæ inuasorem, & ab aliquot annis
 „sævum & crudelem depopulatorem,
 „uti Regni ejusdemque Regis ac no-
 „strum communem ac juratum hostem
 „cum valido exercitu in Dominia Re-
 „gni Poloniæ & majoris ducatus Li-
 „thuanæ, intravissimus, scientes opti-
 „me victorias & triumphos a Manu
 „Domini exercituum, Dei nostri Trini
 „& unius, proficisci, nullamque in uni-
 „versis copiis nostris fiduciam ponentes
 „sed in dextera ejus, qui facit mira-
 „bilia magna solus & inscrutabilia, &
 „quo-

Sæc. XVIII. „quorum non est numerus, qui multi-
A. C. 1721. „plicat gentes, & perdit eas, & sub-
 „versas in integrum restituit, qui fun-
 „davit terram in fortitudine sua &
 „præparavit orbem in Sapia sua,
 „in cuius manu est anima omnis vi-
 „ventis & Spiritus universæ carnis, qui
 „est Deus Deorum in Sion, Deus ma-
 „gnus super omnes Deos, qui conterit
 „fortitudinem inimicorum, deprimi-
 „superbos, corrigit humiles, deponit
 „fortia, sublevat infirma, qui vivificat
 „mortificatque, & cum occiderit, pot-
 „est mittere in gehennam, in cuius
 „dextra, inquam, omnem spem & fide-
 „ciam felicitatis nostræ reponentes, ac
 „majorem ejusdem Dei ter Optimi Ma-
 „ximi gloriam, in gratiarum actionem
 „pro omnibus beneficiis hætenus No-
 „bis ac populis Nobis subjectis præstitis
 „pro deprecatione Divinæ Clementiæ
 „necnon impetratione felicium armo-
 „rum nostrorum successuum, adhibito
 „in præmissis maturo Ministrorum no-
 „strorum Consilio, animo deliberato
 „sponte, libere statuimus, ac decrevi-
 „mus, decernimusque per præsentem
 „Ordinem S. Francisci Capucinorum in
 „urbe nostra primaria Moscua introdu-
 „cere, Religiososque dicti Ordinis, quo-
 „rum vitæ pietatem, sanctimoniam,
 „exemplaritatem, morum integritatem
 „appri-

„apprime commendatam accepimus, *Sæc. XVIII.*
 „fundare ac erigere, veluti omni me- *A. C. 1721.*
 „liori modo, via, forma, jure ac stilo
 „introducimus, fundamus ac erigimus.
 „Quibus Religiosis Ecclesiam sub titulo
 „sanctorum Petri & Pauli Apostolorum,
 „tum Conventum ædificare, hortum in-
 „struere, ac plantare demandavimus,
 „idque in loco supra nominato, quem
 „immunitati Ecclesiasticæ adscripsimus
 „ac incorporavimus, tituloque perpe-
 „tuæ ac irrevocabilis donationis dedi-
 „mus, donavimus, impertiti & elargiti
 „sumus, liberumque ab omnibus contri-
 „butionibus, exactionibus fecimus, &
 „pronuntiavimus veluti nostro & Serenif-
 „simorum nostrorum Successorum nomi-
 „ne adscribimus, incorporamus, damus,
 „donamus, impertimur, elargimur,
 „facimus ac pronuntiamus perpetuo &
 „in ævum hoc nostro diplomate. Ca-
 „vemus insuper & edicto nostro supre-
 „mæ potestatis præcipimus, & inhi-
 „mus, ne quispiam spiritualium vel
 „sæcularium personarum Dominiis no-
 „stris subjectarum, eosdem Religiosos
 „Ordinis sancti Francisci Capucinos
 „quovis modo, prætextu, colore &
 „ingenio, circa exercitia spiritualia ac
 „devotiones illorum privatas & publi-
 „cas, juxta Ritum sacræ Romanæ Ec-
 „clesiæ, impediatur, vel impediri per
 „se,

Sæc. XVIII., se, vel subordinatas personas faciat,
 A. C. 1721., verum iisdem debitum honorem, amo-
 rem, & observantiam, omnes & sin-
 guli, & quilibet in particulari facere,
 præstare & exhibere tenebitur, Quam
 quidem foundationem pura intentione
 ad majorem Dei ter Optimi Maximi
 gloriam modo præmissis per Nos fa-
 ctam, ratam, & gratam habentes,
 haberique a Serenissimis Successoribus
 nostris volentes ipsam fovere, paterno
 affectu tueri ac defendere appromit-
 timus. Cæteraque ad erectionem,
 conservationem, ac manutentionem
 ejusdem foundationis nostræ necessa-
 ria, ac opportuna procurare, & pro-
 curari facere promittimus, ac conce-
 dimus præsentium vigore literarum,
 in fidem vero præmissorum omnium
 & singulorum ac Testimoniorum di-
 ploma hocce Manu nostra subscriptum
 sigillo nostro communiri fecimus, &
 demandavimus: Datum per Manus
 Principis a Galowin Cancellarii nostri
 supremi in præsentia &c.

Tam prona Ducis Magni voluntas
 haud dubium fidei Catholicæ in vastis-
 simo hoc Imperio revocandæ spem sum-
 mo Pontifici ingesserat, potissimum eo
 nomine, quod ipsemet Dux jam ante
 quatuor annos datis ad Papam literis
 pollicitus esset, se Catholicis plenam
 Reli-

Religionis suæ exercendæ libertatem Sæc. XVIII. A. C. 1721.
 in suis Provinciis concessurum: Ea-
 propter Pontifex in pleno Patrum con-
 fessu celeberrimum Mathematicum Bi-
 anchini tanquam Legatum a Latere,
 duos Præsules & viginti quatuor Mis-
 sionarios Moscoviam decernere statuit.

Cum autem idem Moscoviæ Dux
 haud contentus esset, quod apud Rus-
 sorum Nationem civile ac militare re-
 gimen ad optimam normam reduxisset,
 insuper die secunda Novembris confectas
 Nyftadii in Finlandia cum Suecis pace,
 ad Russorum religionem a corrup-
 telis, atque superstitionibus expurgan-
 dam animum adjecit: quoniam vero Gottfrid Hist. cont. Chron. l. 17. pag. 792.

id suæ potestatis limites excedere ar-
 bitraretur, Collegium Ecclesiasticum,
 quod ex uno Præside, duobus Pro-
 Præsidibus, quatuor Consiliariis, &
 totidem Assessoribus constaret, insti-
 tuit, eisque injunxit, ut præmisso ma-
 turo examine regulas præscriberent,
 juxta quas ipsi omnia Ecclesiastica ne-
 gotia & causas in universa Russia di-
 judicarent, ut quivis in rebus sacris
 hujus Collegii Ecclesiastici sententiæ,
 & judicio stare teneretur. Præcipie-
 batur autem I. Ut sedulo inquiratur,
 an omnia rite & juxta Religionis Chri-
 stianæ præcepta peragantur. II. Eo
 fine, omnes precum formulæ, an sacris
 literis

Sæc. XVIII. literis sint consonæ, & III. Sanctorum vi-
 A. C. 1721. tæ, & reliquæ discutiantur, utrum non
 falsæ, vel ridiculis falsisque historiis
 contaminatæ sint IV. aboleantur om-
 nes novitates, quibus homines vel ad
 actiones pravas inducerentur, vel ad
 usum fallacis medici ad salutem indu-
 cuntur, uti sunt omnibus feriis sextis
 abstinere a labore, credere quod om-
 nis, qui Kioviæ in Peozzeriano Monas-
 terio sepelitur, licet impœnitens esse
 salvaretur tamen. V. inepti ac non
 ritus abrogentur, v. g. mulierem passis
 crinibus sub nomine sanctæ Pœnitentiæ
 in supplicatione publica circumducere
 eique ante quamlibet Ecclesiam homo-
 rem exhibere & dona largiri, sub spe
 maximæ felicitatis inde consequendæ
 aut Litánias cum populo sub quercu
 per Sacerdotes cantare, ramosque dis-
 tribuere; abrogentur ergo omnes ritus
 qui vel superstitionem, vel hypocrisis
 aut questum præferant. VI. Propri-
 ciatur populo de libris necessariis, ut
 sedula eorum lectione populus in Chri-
 stiana religione probe imbuatur. VII.
 Ditiora cujusque Diœcesis monasteria
 vigesimam sui frumenti, & trigesi-
 mam suorum proventuum partem Scho-
 lasticis tradant. VIII. Episcopi præter me-
 lendarias, aliaque utilia ædificia nullas
 ædes duntaxat ad luxum & pompam
 erigant.

erigant. IX. Sacerdotes pro sui ministerii actibus; v. g. administratione Baptismi, sepultura &c. nihil paciscantur, sed ultro oblati contenti sint.

Sæc. XVIII.
A. C. 1721.

X. Monachi nullum triginta annis minorem, nullum militem vel rusticum nisi a suo Hero rite dimissum, nullum Maritum, nec filium sine parentum consensu, nullum ære alieno gravatum, vel Cancellariæ ministerio addictum in sacram suam familiam cooptent, cooptati vero unius anni tyrocinium fubeant, priusquam vota solemniter spon- sione emittant. XI. facta etiam profes- sione, & suscepto S. Ordine, si eos pro- missi pœnitet, sine molestia vel igno- minia nota e clauastro abire, eis licitum sit. XII. Monialis usque ad sexagesi- mum ætatis annum non velata ma- neat, ac interim, si voluerit, matrimo- nium inire poterit. XIII. Prope mo- nasteria, quorum reditus sunt abun- dantissimi, Nosocomia exstruantur, in quibus decrepiti, vel infirmi per totum vitæ spatium ad Dei honorem alantur.

Hoc Religionis studium, atque erga Religiosos Catholicos pietas in Principe Schismatico summo opere com- mendanda videtur, & si quid in hisce præceptis ab hoc Consilio Ecclesiastico Ca- tholicæ religioni minus congruum fuit statutum, inveterato schismati, non Reli-

Sæc. XVIII Religionis odio imputandum est: Hunc
 A. C. 1721. saltem fructum, benedicente Domino,
 hæc restaurata disciplina protulit, ut
 Theodorus Toboliensis in Siberia Me-
 tropolita intra breve temporis spa-
 tium ultra quadraginta Tartarorum
 millia ad Christianam fidem reduxerit,
 eisque tantum in Idololatriam horro-
 rem implantarit, ut ipsimet erectis vi-
 ginti novis Templis sua delubra de-
 struerent, & certatim idola in ignem
 conjicerent:

Senatus quoque Petroburgensis, ut
 ob paternam Ducis sollicitudinem, ac
 restauratam Regni felicitatem gratum
 eidem monstraret animum, Petrum
 Ducem rogabat, ut hunc assumere
 dignaretur titulum: *Petrus Magnus,*
patriæ Pater, & totius Russiæ Imperator.
 Ad hanc suorum petitionem suspensus
 hæsit Dux, re autem cum Novogra-
 densi & Plasckoviensi Archiepiscopis in
 deliberationem vocata, eisdem respon-
 dit, se eorum votis assensurum, petere
 tamen, ut die decima quarta Octobris
 omnes Regni Ordines suam petitionem
 amplioribus verbis exponerent. Præ-
 fata igitur die Galoskin supremus Can-
 cellarius nomine omnium Ordinum lu-
 culentam habuit orationem, in qua ex-
 posuit, totam Russorum Nationem im-
 motæ Ducis sui sollicitudini in acceptis
 referre,

referre, quod ea inter alias morigera- Sæc. XVIII.
 tas Nationes *ex nihilo ad quid magnum* A. C. 1721.
 elevata fuerit, ac propterea in gratitu-
 dinis signum hunc titulum offerat &c.
 Altera mox die Schaffirofus Pro-Can-
 cellarius cunctis exterorum Principum
 Ministris significabat, suum Ducem ad
 subditorum preces titulum Imperatoris
 assumpsisse: reclamabant tamen non-
 nulli Principes, ac præcipue Carolus
 Imperator, eoquod ejusmodi præroga-
 tiva sine totius Imperii consensu in-
 vehi nequiret.

§. XXXIV.

*Varii Protestantium motus contra
 Electorem Palatinum.*

Quamvis Carolus Philippus Palatinus Struvens
 Elector sæpius declarasset, quod Pfütz. Kirch.
 Religionis gravamina a Calvinistis & Hist. cap. 14.
 Lutheranis excogitata juxta Impera- p. 1493.
 toris & Principum ab eo deputatorum
 sententiam abolere paratus esset, ni-
 hilominus Joannes de Reck Angliæ
 Regis Consiliarius nomine sic dicti
 Corporis Evangelicorum importunius pe-
 tebat, ut Elector Calviniano - Eccle-
 siasticum Senatam, necnon Ecclesia-
 sticorum bonorum administrationem
 Heidelbergæ Manheimium non trans-
 ferret, ad officia Protestantes assumeret,
 &